

Illoqarfinni suliffissaaleqineq 2010-imi ukiup affaani siullermi

Illoqarfinni suliffissaaleqineq ukiup affaani siullermi qaffariartoq


Suliffissaaleqinermik eqqorneqartut amerleriartut...

...piffissap qiteequnnerani suliffissaaleqisut aamma amerlieriarput

2010-imi ukiup affaani siullermi illoqarfinni suliffissaaleqinermik eqqorneqartut qaammammut agguaqatigiissillugit 2.558-iusimapput 2009-imi ukiup siuliani 2.138-iusimallutik. Tamanna qaammammut agguaqatigiissillugu inunniq 420-nik amerlieriarneruvoq. Taamatullu ukiumut siulianut naleqqiullugu 1,3 procentpoint-inik amerlieriarnerulluni, 2009-mi ukiup affaani siullermi 7,5 pct-imuit 2010-mi piffissami tassani 8,8 pct-imut qaffassimalluni.

2010-imi ukiup affaani siullermi illoqarfinni piffissap qiteequnnerani suliffissaaleqisut qaammammut agguaqatigiissillugit 1.549-uupput, 2009-mi piffissami tassani 1.339-iusimallutik. Taamatullu naatsorsuiffiusumi piffissap qiteequnnerani suliffissaaleqisut qaammammut agguaqatigiissillugiit 210-inik amerlierarsimallutik, tamanna ukiumut siulianut naleqqiullugu 0,6 procentpoint-inik amerlieriarneruvoq, 2009-mi ukiup affaani siullermi 4,7 pct-imuit 2010-mi piffissami tassani 5,3 pct-imut qaffassimalluni.

Titartagaq 1. Illoqarfinni piffissap qiteequnnerani suliffissaaleqisut suliffissaaleqinermillu eqqugaasut amerlassusaasa ineriarnerat ukiup affaani siullermi 2008-2010



Malugiuk: Titartakkami inuit 2008-mi 15-it 62-illu, 2009-mi 15-it 63-illu aammalu 2010-mi 15-it 64-illu akornanni ukiullit nunatsinni inunngorsimasut illoqarfinnilu najugaqartut kisimik naatsorsuusiornermi tunngavigineqarput, Ivittut naatsorsuusiani ilaangnilaq.

Suliffissaaleqisut nunatta avataani inunngorsimasut

Siornatigut saqqummersittakkat nunatta avataani inunngorsimasunik immikkut sammisaqarneq ajoraluarput. Tamannali nunatta avataani inunngorsumasunit suliffissaaleqisunik ataasiakkaaginnarnik peqartarsimaneranik peqquteqarpoq, soorlu 2009-imi ukiup affaani siullermi illoqarfinni suliffissaaleqinermik eqqorneqartut

qaammammut agguaqatigiissillugit inuit 37-iusimapput. 2010-mili piffissami tassani qaammammut agguaqatigiissillugu 59-it suliffissaaleqinermi eqquaasimapput. Assinganik qaammammut agguaqatigiissillugu piffissap qiteqqunnerani suliffissaaleqisut 2009-imi 23-iusimapput 2010-milu 35-inut amerlisimapput.

*Suliffissaaleqisunut
naatsorsuinermi
periaatsinik nassuaat*

Piffissap qiteqqunnerani suliffissaaleqisut tassaapput, qaammatip aallartinnerani aammalu qaammatip naanerani qaammammi pineqartumi suliffissaaleqisut. Taman-na agguaqatigiisillugu suliffissaaleqisutut paasineqarsinnaavoq.

Suliffissaaleqinermik eqquaasimasut tassaapput, qaammatip ingerlanerani suliffissarsiorlutik suliffissarsiuussisarfinnut saaffiginnissimasut. Kisitsosit tassaanngillat agguaqatigiisillugu suliffissaaleqisut, tassa saaffiginnittut ilaat suliffissamik tunineqarsimasinnaammata imaluunniit nammineq suliffissamik nassaarsimasinnaallutik. Suliffissarsisimasut taakku *suliffissaaleqinermik eqquaasimasutut* nalunaarsorneqartarput, saaffiginninnerminni suliffissaaleqisuusaramik.

Kisitsosit qulaanit takutinneqartut kisitsisaateqarfimmi Naatsorsueqqissaartarfiup nittartagaaniittumi www.stat.gl-mi pissarsiarineqarsinnaapput. Kisitsisaateqarfimmi nammineerlutit tabeliliorsinnaavutit, taamaalillutilu nammineerlutit tabelip isikkussaa aaliangersorsinnaallugu.

...pdf-fiilinngorlugu

Saqqummersitaq "*Ledigheden i byerne i 1. halvår 2010*" pdf-fiilinngorlugu Naatsorsueqqissaartarfiup nittartagaani www.stat.gl-imi aaneqarsinnaavoq imaluunniit Naatsorsueqqissaartarfimmut piniarneqarsinnaalluni.

*E-mailikkut
pisartagaqalerit*

Kisitsisinik nutaanik Naatsorsueqqissaartarfiup saqqummersittagaanik elektroniskekin tusartinneqartarusukkuit nutaarsiassanik pisartagaqalerit una iserfigalugu www.stat.gl qinigassani saamerlermi toqqarlugu 'Kiffartuussinir' taavalu "Pisartakkanut tunngasut" toqqarlugu. Kisitsisinillu nutaanik saqqummertoqaraangat e-mailikkut nalunaarfigineqartalissaatit.

Annertunerusumik paasisaqrarusuttoqaruni ukununnga saaffiginnittoqarsinnaavoq:

- Naatsorsueqqissaarnermut siunnersorti Gitte Lynge Rosing tlf. 36 23 76 (toqqaannartoq) imaluunniit e-mail: glmi@stat.gl imaluunniit
- Naatsorsueqqissaartarfiup ittuanut Per Lyster Pedersen tlf. 36 23 72 (toqqaannartoq) imaluunniit email: plpe@stat.gl

Inussiarnersumik inuulluaqqusillunga

Gitte Lynge Rosing
Naatsorsueqqissaarnermut siunnersorti

Illisarnaatinut nassuaatit:

- ... Paassisutissat pigineqanngillat
- .. Paassisutissat nalunaarutigissallugit qularnarput imaluunniit isertuun-neqarput
 - . Kisitsisit pissutissaqartumik takutinneqarsinnaanngillat
 - 0 Atorneqartut affaannit ikinnerupput
 - Nul
 - * Kisitsisaagallartut

Saaffiginnittoqassappat

glmi@stat.gl

E-mail: Gitte Lynge Rosing

Arbejdsmarked 2010:2

13. oktober 2010

Naatsorsueqqissaartarfik
Postboks 1025 · 3900 Nuuk
Tlf.: 36 23 60 · Fax: 36 23 61
www.stat.gl · e-mail: stat@stat.gl

